



SANCTI LAV

RENTII presbiteri Nouarum, scri-
ptoris perantiqui, Homiliæ duæ.

Vna de Pœnitētia, altera de Elec-
mosyna, ad uitæ emendationem
pietatemq; perq̃ utiles, typis
hactenus nusq̃ excusæ.



 Prostant apud Michaclem Vascofanum,
Via ad diuū Iacobum, sub Fontis inter signio.

SAINT LAV

[illegible]

Von Johann Jacobum de Fontenay.

INCIPIT HOMILIA SAN-
CTI LAURENTII PRESBITERI.
NOVARVM. DE POENITENTIA.



VO SVNT TEMPORA AB AL-
tissimo præstituta: in quibus datur du-
plex hominibus remissio peccatorum.
Est nanque remissio publica, & est re-
missio priuata. Publica tempus suū ha-
bet, priuata suū exercet tempus. In publica fons est
indulgentiæ, in priuata fructus est pœnitentiæ. In
illa donū dei, in ista labor hominis. In illa baptisma,
in ista pœnitudo. Et quæ sunt ista tempora debent
agnosci. Tempus primum est ab Adam usque ad
CHRISTVM. Tēpus secūdū est à CHR I-
STO usque ad consumationem sæculi. Hæc sunt
duo tempora. In primo quid est? Peccatum Adam
quod CHR ISTVS soluit. In secundo quid?
peccata propria, quæ labor hominū & sollicitudo
extinguit. Illud generale est, hoc speciale. Aduerte
quod dicitur, Peccatū Adam quod in filiis eius per-
ficit, diuina clementia abstulit. Sarcinam illam in se
suscepit saluator, & euertit: quando? In primo tem-
pore, Vbi? in fonte baptismatis fluuiioq; Iordanis,
ibi clamabat Baptista, digiioq; ostendebat celestē
principem dicēs, Ecce agnus dei, ecce qui tollit pec-
cata mundi. Peccatum mundi quid est? Delictum

Adam per traducem seminis ad filios deuolutum. Agnus igitur dei **CHRISTVS** tinctus in flumine, tulit noxiam sarcinam à patre in filios deriuantem. Nephas illud pessimum à serpēte suggestum: in fonte intinxit, in flumine aboleuit, in carne cremauit. Tulit debitum unius & donauit indulgentiā cunctis. Caput curauit, & sana sunt omnia membra. Verum ab hoc fonte, uel indulgentia generalis, aliud iam exoritur tempus, commissa peccata non aqua delet, sed poenitudo remittit. Et hoc tempus utrunque Psalmista Dauid in quinquagesimo psalmo notauit. Primum tempus posuit, ubi per **CHRISTVM** loquitur in psona Adam. Et quid dicit? Incerta, inquit, & occulta sapientiæ tuæ manifestasti mihi. Et quæ sunt ista? Incertum fuit saluari Adam lapsum in mortem, sed manifesta facta est & redemptio eius in carne, & remissio eius in aqua. Vidi in spiritu quomodo clementia tua missa per unigenitum, & patrem recepit de crimine, & filiū donauit salutē. Ecce incerta sapientiæ tuæ, quæ mihi tua dignatio reuelauit. Quid ergo Adam? ipse est qui per **CHRISTVM** exultat in Dauid dicēs, Dñe asperges me hyssopo & mūdabor. Culpa em̃ mea me obruit, immo crimē præuarcationis fœdauit. Sed asperges me hyssopo, id est aqua uiua, & mūdabor. Asperges me aqua filii tui sacro sanguine mista, & mūdabor, lauabis me, & sup ni-

uem dealbabor. Lauabis me in illo uēturo fonte & mystico flumine, in quo nō solū crimen meū extinguetur, sed & candor meus quem recepturus sum, *etiam* & iam super niuem excellet. Futurū est genitor, ut mittas filiū tuū unigenitū qui auferat malū de mūdo quod per me introductū est, & nō fraudetur filii in facinore patris. Ille aperiet uīā salutis, ille reserabit remissionem fontis, & crimen meū abolebit in aqua & spiritu. Asperget me gratiæ suæ guttis, & mundabor. Lauabit me ignifero lumine, & super niuē dealbabor. Hec est primo tēpore remissio generalis. Videamus quid in secūdo. Item Psalmista declarat. Vsq̄uequaq; laua me ab iniustitia mea, & à delicto meo munda me. Ecce tēpus, & tempus. Superius Adam, inferius David. Ibi lauacrum est aquæ, ubi dicit, Lauabis me, & sup niuē dealbabor. Hic lacrymę sunt poenitētiæ, ubi dicit David, *Amplius* *inquitote. precor.* Vsq̄uequaque laua me ab iniustitia mea, & à delicto meo mūda me. Illud publicū, hoc priuatū. Illud gratiæ, hoc clemētiæ. Illud omniū, hoc singulare. Illud mysticum, hoc morale. Abluitur Adam in corpore CHRISTI, ut ueterē abiiciat hominē & induat nouū. Abluitur David ī corde cōpuncto ut reformat in se speciē quā crimen fuscavit. Ille renouat in fonte, iste reparat in fletu. Illū gratia curauit, istū gemitus reformauit. Qui cōmissum suū hirsuto corpore dolet, & lugēs peccati sui ante se pingit imaginē ita
a.iii.

asserens. Vsq̃uequaque laua me ab iniustitia mea.
 Quare usquequaque? quia iniquitatem meam ego
 agnosco, & delictũ meũ cõtra me est semper. Tan-
 quã si ita diceret, Sanaueras me domine iam ante
 in patre meo Adam,quãdo mēbra illũs in te sus-
 cepta tinxisti in fonte,abluisti in flumine. Liber ex-
 istebam beneficio tuo, nec potui indultã mihi gra-
 tiã retinere. Iterũ em̃ in meipsum errauĩ. A patris
 delicto liber effectus, proprium commisi delictum.
 De publico ereptus laqueo, priuatim incurri. Nõ
 est iam fontis nec aquæ præsidium. Quid faciam,
 aut unde piabor? Nunquid mereor iterum indul-
 gentiæ tuæ imbre perfundi, generalicq; lauacri flu-
 mine delui? Absit. Non ego iam aquæ munus re-
 petam quod abluĩ. Semel petam quod semel con-
 cessum est. Ex mea me inopia redimo: ex meo me
 labore perfundo. Est in me exiguus quidã humor,
 qui non me more torrentis infundit, sed modico
 sudore inrorat. Laboris mei me guttis abluĩ qua-
 ro, uerborũque scintillis: uirus in me conceptum
 exuri desidero. Vsq̃uequaque laua me ab iniusti-
 tia mea. Non iam aqua, sed opere laua me. Non
 baptismatis fonte, sed pœnitentiæ rore. Quia deli-
 ctum meum cõtra me est semper. Vidi me: cogno-
 ui factũ meũ: stat ante me delictũ quod me defor-
 mauit. Vsq̃uequaq; laua me ab iniustitia mea, quia
 cognoui quod feci. quod ego cognoui tu dignanter

ignosce. Despice tu quod ego inspicio. Sufficit me uidere hoc. Tibi displicui, auerte faciem tuam a peccatis meis, & omnes iniquitates meas dele. Quare? quia delictum meum cōtra me est semper. Scriptū est in corde meo, exaratū est sub oculis meis, fixum est in conscientia mea. Ab'ue tu, quod ego scripsi, exime qđ ego depinxi. Hæc in figura plorata sunt, induxi in speculū quinquagesimi psalmi, in quo ad aspectū nostrū & primi temporis, & secūdi gemina imago resultat. Primi in Adam, secundi in Dauid. Licet ambo siue Adam siue Dauid, primi temporis spacio concludantur. Spiritus est sanctus qui loquitur in prophetis, & tempus utriusq; a se distinguit, ut præuaricationis uenia signetur in Adam, poenitētiæ munus exoluat in Dauid. Sermo nanq; propheticus & præcedentem faciem temporis, & sequētē depingit in psalmo. Vobis igitur dilectissimi sermo iste cōponitur, ad uos dirigitur ista assertio. Vobis hæc disputatio clarū profectum habitu ingeritur, in quibus calor fidei, peccato forte interueniente perfrixit. Mens perdita obstupuit, spes deprauata liquefcit. Omnisq; futurorū intētio aporiata torpescit. Dum secum unusquisq; perpēdit sibiq; reputat, ac intra se loquitur ita. Quid facturum modo, quid super agendum est mihi, aut quid restat speradū? Redēptus fui, & factus sum seruus. Liber fuerā, & factus sum seruus peccati. Perdidī.

gratiam largitoris, amisi beneficium redemptoris.
 Claro corpore egressus de fonte, cœno me iterū in
 mundo perfudi, limoque fœdauī. Purus de gratia
 dei, factus sum de propria intemperātia perditus.
 Error meus de filio famulum, de intimo inimicū,
 de hærede exterū. Violauī symbolum meū, cor-
 rupi pactum in ipso uestibulo fontis conscriptum.
 O quā infelix cōditio. O quam miseranda consilia.
 Operibus me diabolicis renuntiaturum sponde-
 ram, & implere nō ualui. Malis quibus carui, in ip-
 sis relapsus contaminor. Euangelicam tunicam, rur-
 sus in pellicia cōmutauī. Stulam meriti quā mundā
 texuerā, labe uitiorū fuscaui, & nouū hominē ite-
 rū uetustate contexi. Quid nunc requiro, aut quid
 expecto adhuc, ubi quæro fontem, aut ubi inuenio
 baptisma? Nūquid est respectus ad aquā. Nunquid
 recipiet me adhuc unda, ut me reformet in utero
 aquæ & pariat innocētē? Aut forte quærere debeo
 adhuc dexterā sacerdotis, quæ me mergat in fontē
 & inde iterū purificet? Hæc tecum loqueris tu, hæc
 tecū tractas cōsciētiae tuæ onere prægrauatus? Sed
 quæ sunt hæc uerba tua, o homo? cognosce te esse
 imaginē dei. Sapientē te fecit deus, prouidū animo,
 mente mysticū, sensibus sublimen, & uult te non
 perdere sed saluare. Non perimere sed protegere.
 Quare tu desperas, quando ille non despicit? Con-
 scientiā tuam formidas, & ad caput indulgentiæ nō

DE POENITENTIA.

festinas. Quid putas esse fontem qui concepit? Aut quid æstimas esse undā aquæ quæ te peperit? Nūquid aqua est media aut unda in causa? Absit. Sed discē mysterium. Prudentia tua fons, & in te intellectus tuus aqua est inundans, habēs aspectum cordis ut uideas temetipsum. Accepisti mentem altiora petentem, sta in altitudine mentis tuæ quasi imago dei, & de speculo hoc deifici operis profunda rimaris. Habes arbitriū & sensum de deo cōcessum. Delibera te cum sis imago dei, quomodo non possis extingui. Si est in te prudentia, si habes cōsiliū, & proprium mentis arbitrium, deus in te est. Ipse tibi erit poenitētia, & fons, & baptisma, & remissio, qui nūquā in te nec desinit nec deficit. Quid ambiguus æstuas, quid resolveris animo, & inter inepta tædia conscientia tuæ fatigatus torpescis? Peccasti post fontem, lapsus es post baptisma, fecisti crimen post indulgentiam generalem. Quid nūc perit iam spes? Nunquid intercepta est retributio? non est ita homo. Quid circūduceris? signum accepisti de fonte, nō desperationis sed miserationis. Non defectionis sed remissionis. Non ut unquam desperes. Signum acceperunt Iudæi. Quale? circūcisionis. Signū acceperūt & Christiani. Quale? miserationis. Ecce signū in Iudæis, cirūcisio carnis. In Christianis, circūcisio cordis. Sed satis hæc illa præstātor. In illa sanguis incisionis, in hac aqua remissionis. Ibi plaga carnis,

hic palma pietatis. Ibi obseruantia rigida, hic indulgentia regia. Et hoc utrūq; signaculum CHRISTVS pendens in patibulo prænoraui, quando de uulnere suo & aquam eduxit & sanguinem. Vt sanguinis signaculum daret Iudæis, aquæ uero indicium gentibus Christianis. Signum ergo tu accipi ti de fonte, non iudaicum sed euangelicum. Ex illa die illaq; hora qua egressus es de lauacro, ipse tibi es fons iugis & diuturna remissio. Nō opus habes doctore, non dextra sacerdotis. Mox ascendisti de sacro fonte, uestitus es ueste alba, & unctus es unguento mystico, facta est super te inuocatio, & uenit super te trina uirtus, qui nouum uas hac noua perfudit doctrina. Exinde te ipsum statuit tibi iudicem & arbitrum. Deditq; tibi notitiam, ut possis ex te discere bonum & malum, Id est inter meritum & peccatum. Et quia non poteras manēs in membris corporisq; cōpage, liber existere a peccato, immunitisq; esse à noxa, post baptisma remedium tuum in teipso statuit, remissionem in arbitrio tuo posuit, ut non quæras sacerdotē cū necessitas flagitauerit, Sed ipse iā ac si scitus pspiciusq; magister, errorē tuū intra te emēdes, & peccatū tuū poenitudine abluas. Itaq; desinat duritia, cesset desperatio, desinat ignauia. Fons nūquā deficit, aqua intus est, ablutio in arbitrio est, sanctificatio insolertia est, remissio in rore est lacrymarū. Nolite resoluerē in segnitia, fōs

DE POENITENTIA.

est in homine ppetua pœnitudo cōseruatus. Ibi est pœnitētia ad uocem baptistæ, qui sic uociferatur in heremo, & penetrabili clamore desertas hominum mētes exaggerat dicēs, Pœnitētiā agite adpropinquabit enim regnū cœlorū. Nemo potest supni imperii habere apicē, habere fastigiū, nisi fuerit pœnitētiæ suffragio sultus. Ad regni supni penetrabilia nō puenit quisq̃, nisi egerit pœnitētiā. Repetit adhuc baptista, Ego inquit baptizo uos aqua in pœnitētiā, sed alter est post me ueniēs qui uos baptizabit in spū sancto & igni. Noli tu iā quærere necq̃ Iohānē, necq̃ Iordanē, ipse tibi esto baptista. Pollutus es post lauacrū, uiciata sunt uiscera tua. Cōtaminata est anima, tinguere in aqua pœnitētiæ, ablue te abundantia lacrymarū, exuberet fons compunctionis in extis tuis. Exundent aquæ uiuæ in fibris tuis. Para te uenienti domino, & ipse te baptizabit in spiritu sancto & igni, habens uentilabrum in manu sua, qđ est inspectio, uel pōderatio pœnitudinis ac peccati. Ipse ppēdit in te utrūq̃ pondus, ipse inspicit in te molē & molē. Vnam pœnitentiā, & unā pestilentiam. Et pœnitentiæ quidē fructus, ac si triticū cōgerit in tuū profectū. Peccata uero tua quasi pestilentie paleas, cōburit igni inextinguibili. Hæc est priuata remissio, intimo corde prouocata, & pœnititudine adquisita. Multa sunt repetenda, plurima

replicanda. Genus hominum fragile est, & lubrico
 semper gressu incedit. Natura corporalis obnoxia
 est, rebus contrariis. Passionibus etenim diuersis, ac
 uitiis subiacet. Nec tantū de propria puritate, quan-
 tum de diuina pietate dirigitur. Et si hodie quis cō-
 fidat de merito, de robore animi, de uigore uiscerū,
 crastino fallitur ac decipitur. Sic enim protestatur
 Apostolus dicens, Et qui se putat stare uideat ne ca-
 dat. Carcer est uero qui animæ fortitudinē premit
 & claritatem contaminat. Laqueus est semper im-
 minens, iugiterq; insidians. Laqueus est pestifero la-
 psu protensus in uia. Et inde est quod clamat pro-
 pheta, in uia hac qua ambulabā, occultauerunt la-
 queum mihi. Et iterum, iuxta semitam scandalū po-
 fuerūt mihi. Implicatur plerunq; anima in hoc cor-
 poreo laqueo, & si uelit, & si nolit, nec liberatur
 sponte, prius quam diuino suffragio per poenitendi-
 nem supplicans ut ait iterum propheta, Benedictus
 dominus qui nō dedit nos in captionem dentibus eo-
 rū. Anima nostra sicut passer erepta est de laqueo
 uenantium. Laqueus contritus est, adiuuante domi-
 no & nos liberati sumus. In laqueo hærebat anima
 erepta est non suis uiribus, sed diuino præsidio.
 Et quis est iste laqueus. Nisi caro quæ animam in
 proposito suo bene currentem uexat semper, car-
 pit iugiter, capit frequenter.

Est enim

DE POENITENTIA

Est enim unus stimulus per membra insidians dico quomodo in oculis est laqueus grauis. Aut non cognouisti quemadmodum anima non dicam saepe, sed semper captiuatur in aspectu? Vnde auaritia insidiatur, unde libido incēdit, nisi de corporali aspectu? Vidisti laqueum fortem. Nec immerito scriptum est, Nequius oculo quid est factum in homine? Et iterum, Intrabit mors per fenestras uestras. Et lingua tua laqueus est insanabilis: spargit enim uenenum maledictionis, blasphemiae, susurrationis, detractionis, & non solum corda sed etiam exulcerat animam. Et inde est quod obsecrat ille praefatus poenitentiae dicens, Pone domine custodiam ori meo, & hostium circumstantiae labiis meis. Nec minus interserit alter, Quis dabit cogitationi meae flagellum, aut quis imponet super labia mea signaculum? Certe ut tunc loquar quando non est tacendum, & quod prompserit lingua non mordeat, sed nutriet animam. Sonabit uox aduersa in auribus, & homo interior stimuletur in ira, concitatur in caede. Vides quia & in auribus laqueus permanet? & inde illa scripturae commotio sonat, Sepi aures tuas spinis, noli audire linguam nequam. Laqueus est in manibus, ut dictum est, iniquitatem manus uestrae concinnant. Et iterum, Vt quid mihi ieiunastis quando subditos uobis compungitis, & percutitis pugnis humilem? Quid dicam de noxio pedum incessu,

b.iii.

cursuq; cruore infecto, ut est illud, ueloces pedes eo-
 rum ad effundendum sanguinem. Has nanque in-
 sidias corporales, hos laqueos singulorū membro-
 rum de corpore cruendos sententiis suis decernit
 Saluator. Si oculus tuus dexter, si manus tua uel pes
 scandalizat te, id est animam tuam diuina desyde-
 rantem, cœlestia cogitantem deprauant. Si laqueis
 suis te implicāt, aut fraude sua nituntur uisus erue-
 re, abscinde nō manum aut pedem, sed pestilentiam
 tibi per hæc membra morbumq; illatam. Quapro-
 pter dictum est, Si oculus tuus dexter te scandaliz-
 zat, si manus dextra uel pes, nisi quia omne quod
 bonū est dextrum dicitur, similiter malū appella-
 tur sinistrū. Et est pars dextra, & est pars sinistra.
 Dextra suos retinet probatos, sinistra suos æque
 reprobatos. Ad dextros quid dicit C H R I S T V S?
 Venite benedicti patris mei, possidete regnum pa-
 ratum uobis ab origine mundi. Quid ad sinistros?
 Discedite à me maledicti in ignem æternum. Vis
 des quanta dissensio est in sinistro & dextro? quid
 igitur si oculus tuus dexter scandalizat, discere quid
 est quando committis peccatum, oculo tibi mini-
 strante dulce tibi & dextrum uidetur. Et dextrum
 hoc tunc corrigitur in sinistrum, quando residen-
 te domino & discutiēte peccata, coeperis inter mul-
 tos alios & ipse audire. Discedite à me maledicti,
 peccatores, iniusti, in ignem æternum. Scandaliza-
 uit te

DE POENITENTIA

nite oculus, subripuit, delinquis, per uisum te im-
 plicauit, erue eum. Quid iubet erueret? oculum, an
 peccatum? Oculum suggerentem commissum. Nun-
 quid oculus peccauit quia uidit, an magis animus
 delinquit quia concupiuit? Ceterum si per cuncta
 peccata uel scandala, non animi cupiditas reprimen-
 da est, sed effodiendus est oculus quia uidit, nullus
 iam habiturus oculos est. Non est quisquam, ut ar-
 bitror, cui oculi remanebunt, quia non est inter mor-
 tales qui non concupiscit, aut scandalizatur, aut pec-
 cat. Homo ne inculpaueris oculum ad gratiam ti-
 bi concessum, cuius beneficio lumen uides, ornatus
 est capitis, speculum est membrorum, totiúsque
 corporis fenestra gratissima. Noli hunc inculpa-
 re quia cernit, sed inculpa quæ cernit, sed incul-
 pa tibi ipsi, quia concupisti. Erue, non oculum de
 capite, sed errorem de corde: euellere, non aspectum
 corporeum, sed concupiscentiæ crimen: non est ius-
 sum oculum delere, sed crimen euellere. Dexter
 fuit oculus, quando tibi obduxit scandalum, hoc
 est quod dicit, quando te inquinauit & polluit.
 Sed erue eum contraria fortitudine. Noli te uul-
 nerare cogitare, sed ad uincendum te præcini-
 ge. Esto armiger poenitentiae, & protinus euer-
 tes peccatum. Dulce fuit uitium cum delectarit
 anima, sed fiat tibi nunc dulcior poenitudo, quæ

non solum delectet, uerumetiam nutriet animam. Cōcupisti malum, uicit te cupiditas, perpetrasti ne-
phas. Erit animis tuis dexter oculus, id est dulcedo
peccatī. Erue oculus istum sinistro conspectu con-
fertum, qui te non illuminat sed contenebrat: & de
dextro transfert te in sinistrum. Sed dicis malū hoc
quod asseris à me extirpādum. Intus est oculus iste
nephādus. Nō uidetur in pectore: habetur in corde
cōscientiæ fixus. Quali arte ualebo eum eruere, qui
nec manu contingi potest, nec digito erui aut euell-
li? Vis ostēdam tibi manum, & digitum, & artem
qua possit euelli? Quando percussisti pugnis humi-
lem; induxisti in te peccati oculus. Quando porre-
xisti manum tuam ad subleuandū humilem, ad fa-
tendum inopem, eruisti de corde tuo nequitiae ocu-
lum, qui te scandalizauit. Vides quali manu, digi-
tōq; & arte noxius ille euellitur oculus qui te de
dextro dirigit in sinistrum? Dulcia sunt vitia dum
in actu sunt, sed fiunt protinus amara post actum,
Mel inquit stillat ex labiis meretricis; & hoc dulce.
Ad tempus quidem ungit gulā, impinguat fauces:
nouissime uero conuertitur in amaritudinem felle;
& quod fuit dulce ad tempus, fit amarum in fine.
Festina igitur & ne tardus existas ad corrigendū
te de sinistro in dextrum. Cecidisti per oculus: cō-
taminauit te aspectu suo: abluat te aqua sua. Indu-
xit in te laqueum; eruat te de laqueo. Habet enim
in se

DE POENITENTIA.

in se magnū lacrymarū auxiliū. Impulit te obscœ-
 nis sordescere actibus, turpicq; mucrone caput ab-
 scidit, id est avaricia aut libidine. Agē tu, exerce te
 contra talē oculū, erige te contra aspectū tuū, agita
 uenas cordis tui quæ tendunt ad oculū & dic illi:
 Ocule ad te recurro, tibi imputo. Exue quod impli-
 casti. Tu me uulnerasti, tu me sana, tu me polluisti
 tu me purifica. Ablue quod inquinasti, erige qđ eli-
 sisti. Corrige quod euertisti, absolue quod per scan-
 dalum obligasti. Tu uidisti, ego concupiui, tu inspe-
 xisti & ego peccaui. Vidisti aurū, uidisti possessio-
 nes aliorum & prædia, cæcauit ambitio, cœpi uel-
 le quod meum non erat, cœpi auferre aut argu-
 mento inuadere aliena. Tali me scandalo obcæ-
 casti. Quid dicam de scœminea specie, quantum in-
 tuēdo eam collapsa est anima, effœminata sunt ui-
 scera, & quasi concupiscentiæ sagitta percussus de
 quodam præcipitio corruui. Da modo liquorē tuū,
 & dele peccatum meum. Irriga me imbribus tuis,
 irruant aquæ tuæ & obruant crimina mea. Hæc lo-
 quere cum oculo tuo, qui te scandalizauit. Præ-
 terea percipe te in futurū iudicium. Punge uenam
 cordis tui pœnitentiæ stimulis, & de imo corde at-
 q; de intima mente, educa aquam uiuam in capite
 profluentem. Fiat caput tuum fons remissionis &
 fluuius indulgentiæ, & exinde non solum per dex-
 trum oculum, sed & per sinistrum gemini riuī cur-

rant, fluantq; tibi ambo oculi pariter sanitatis rorē
ac indulgentiæ imbrē. Vult enim indulgentissimus
cognitor, ut fletus purget, quod uisus polluit, et qđ
fœdauit cupiditas, reformet cōpūctio, ut eruas de
corde pestiferū oculū, plangēs & ingemiscēs & do-
lēs. Sicut dolens Hieremias propheta cū populum
plangeret transmigratū, sic dicens, Quis dabit capi-
ti meo aquā, aut oculis meis fontē lacrymarū? & il-
le quidem populū deplorauit captiuū. Tu autē in-
gemisce pro anima quā cupiditas uiolauit, & ocu-
lus dexter fecit degenerem. Sic eruēdus est oculus,
sic abscindēda est manus, uel noxia membra. Nam
ubi auaritia, ibi manus dextra, dentibus uenenatis
armata, ut percutiat, ut affligat, ut auferat aliena.
Vbi libido, ibi dexter oculus noxio aspectu arma-
tus, qui modicū delectat, & multū nocet, qui uiderit
(iquit) ad cōcupiscēdū mulierē, iā adulterauit eā in
corde suo. Vidit oculus, concupiuit caro, peccauit
anima. Fleuit iterum oculus, abluta est caro, absolu-
ta est anima. Auaritia, infandū est uitiū in homini-
bus. Radix est una in præcordiis fixa, ex qua pul-
lulant oīa mala. Quid est auaritia? cupiditas radix
omniū malorum. De ista radice exurgunt menda-
cia, oriuntur periuria. Qui enim est aut distra-
ctor, aut emptor, qui lucrigratia habet de cupidita-
te tractatus, nōne plerūq; peieras, sæpe mentitur?
sine hoc uicio negotiator, aut rarus aut nullus est.

DE POENITENTIA.

Et quid dico negociatorē, impostorē ufos cū mer-
 tiis? Videamus quæ res facit prædones, aut unde
 erūpunt proditores. Nonne de auaritia prædo fuit
 rex Ahab, quando per factionem dolosæ mulieris
 falsa, sub prodicione iustum trucidauit, ut uineā eius
 uiolentus inuaderet? Auarus fuit & Iudas cū pro-
 deret CHRISTVM Iudæis, cum acciperet ab eis tri-
 ginta argenteos. Tolle auaritiam, & non est discor-
 dia, aufer auaritiā, & solus amor regnat. Desinat
 auaritia, & cessat ambitio. Tolle cupiditatē, & ne-
 modicit hoc meū, aut hoc tuū. Fraus inde germi-
 nat, dolus inde confurgit, factio inde concinnatur,
 iræ quoq; insidiaq; homicidia, bella ipsa siue publi-
 ca, siue intestina, cupiditatis & auaritiæ fructus
 sunt. Et si quando uel armis, uel argumentis, al-
 ter alterum uel superaauerit, uel trūcauerit, res eius
 uelut uictor diripiat, suamq; auaritiam suppleat.
 Et hoc est quod scriptura testatur Apostolus di-
 cens, Radix omnium malorum est auaritia. Di-
 sce diligenter quid sit in homine. Duas habet in se
 duorum malorum fixas radices, quibus repugnan-
 do intra uexatur & carpitur. Et quæ sunt istæ ra-
 dices? una est auaritia, & una est luxuria. Auarit-
 iæ radix ubi est? in cupidine mētis. Luxuriæ ubi
 est? in uoluptate membrorum. Cupiditas nāq; mē-
 tis, in auaritia inardescens, armat manus, pedesq;
 & facit in his forense peccatum, & crimen extra

corpus. Radix uero luxuriæ quæ succis membrorum nutritur, uenarumque humoribus irrigatur, cogit ipsa uiscera in obscœna cupiditate delinquere, & facere peccatum intestinum. Igitur est peccatum auaritiæ, & est peccatum luxuriæ in membris. Duo sunt in homine capitalia crimina. Vnum intus, & unum foris. Vnum in membris, & unum extra membra. Est peccatum luxuriæ in membris, & est peccatum auaritiæ extra membra. Et ut credas hoc ita esse quod dicitur, audi eundem Apostolum prosequentem. Omne peccatum quodcumque fecerit homo extra corpus est: qui autem fornicatur, in corpus suum peccat. Sed dicis. Si pedes currunt ad prædam, si manus diripiunt, quomodo potest absque corpore esse peccatum? Non est quidem dubium quod omne peccatum, membris ministrantibus perpetratur. Sed aliud est, per membrum committere, & aliud in membra delinquere. Per membra enim quod committitur, in hoc animus delectatur. Carnis autem uoluptas, hoc nec sentit nec recipit. Et ideo dictum est, omne peccatum quodcumque fecerit homo extra corpus est: libidinis uero faces, ardentesque furias, intra se continet caro, ex radice luxuriæ pullulantes. Dulcibus namque illicebus ad modicum excitatus uel expressus humor, trahit ad se ex imis uiscerum uenarumque medullis totius corporis uoluptatem. Quod ubi Apostolus intentissime inspexit,

absolute fixit sententiam dicens, Qui autem fornicauerit in corpus suū, peccat. Væ mihi quid acturus sum homo fragilis, qua uirtute ualebo tantæ atrocitati resistere, duorū in me consistentiū uenena, qua sorte possum uitare? Si radix auaritiæ multiforme crimen exulcerat animā: si radix luxuriæ ignitas libidinū faces ministrat, quibus uiscerū medullis exurit. Quid faciam? quæ uirtus in me? aut quæ substantia mea? Viuunt in me duo serpentes pariter: auaritia & luxuria. Mordent semper, exulcerant iugiter: collidunt frequenter, & stare contra tales bestias propria uirtute non possum. Si aqua iam adminiculum non est, si spiritus sanctus deest, quis me liberabit de corpore mortis huius, quis me eruet ab hac nequitiae mole, morsuq; ferali? Homo noli diffidere, res in promptu est, uita in manu est, uirtus in uoluntate est, uictoria in arbitrio est. Si uoluisti, uicisti, si nolueris, uictus relinqueris. Qui uult uincere, conatur ut uincat. Qui desperat, amisit uictoriam. Quid times cupiditatis crimen, uel auaritiæ facinus? Noli timere. Radix ista omnium malorum, id est auaritia, habet aquam propriā. Et aqua ista quæ est, nisi eleemosyna? Non audisti quid scriptū est? Sicut aqua extinguit ignem, sic eleemosyna extinguit peccatū. Magna hæc sententia, desinat quærela, desinat dubitatio. Nam ubi eleemosyna, ibi aqua: & ubi aqua, ibi spiritus: & ubi spiritus, ibi

remissio. Desinat desperatio. Aqua & ablutio & remissio in eleemosyna largientis est. Ne differas abluere inquinatū corpus & animā fontibus eleemosynæ, ut redeas rursus in præmissi baptismatis formam. Sicut aqua extinguit ignem, sic eleemosyna extinguit peccata. Tanquā si ita dictum esset, Sicut aqua extinguit ignē ardentē, sic eleemosyna discerpit auaritiā, funera hominumq; crimina, uincula funesta dirumpit. Vidisti aquā eleemosynæ. Vis scire quod & luxuria & libido in aqua est? Peccatū corporis incestat. Nunc aquā habet cōtrariam. ubi? nonne in oculis? & meritō de corpore. De oculis stillat aqua, quæ totius corporis contractus dissoluit, & abluere foeditatem. Nā sicut peccatū quod extra corpus est, eleemosyna fulminat & extinguit, sic uitiū libidinis quod mēbra incestat, lacrymarū ubertas extirpat. Ergo peccatū quod extra corpus est, propriū habet fontē eleemosynæ, & flagitiū quod intra corpus cōmittit, suū habet fontē ex oculis, perfluētē. Vt scias tu quā eleemosyna auaritiæ flāmas restinguit, & libidine fuscata uiscera, perfulsis iterū fletibus albēt, meritūq; receptāt. Sed quādiu uerba inui. Accipe euāgelica documēta, accipe duos duorū criminū indices. Habes publicanū, habes & meretricē, publicanū in auaritia, meretricē in luxuria. Criminū præfules facti sūt, diuinæ misericordiæ indices. Vis scire quō isti duo uicerūt, & criminosa cōtagia

DE POENITENTIA

euaserūt: Saluatus est publicanus. Qua manu: Nō-
 ne p̄ eleemosynā. Recepta est meretrix, quo præsī-
 dio: nōne p̄ lacrymas: Sed causā replicemus. Agni-
 tus, inq̄r dñs I E S V S pambulat in Hierico. Et ecce
 uir nomen Zachæus homo peccator, avarus, diues
 ex rapinis, & hic q̄rebat uidere dñm I E S V M ut sci-
 ret q̄lis esset: nec poterat eū uidere turbarū obstipa-
 tione seclusus. Modicæ nanq̄ staturæ erat. Cōtigit
 inuenire eū arborē sycomorū: ascēdit festinus & ui-
 dit. Quid uidit: saluatorē sc̄culi. Bene festinauit, opti-
 mē ascēdit, qui dū auīdus cupit uidere saluatorē, sa-
 lutē ipsam quā ignorabat inuenit. Et quid dicā ui-
 dit: ante uisus est q̄ uideret. Trāsiuit, inquit dñs I E
 S V S: uidit illū, dixitq̄ ei, Zachæe, festina, descende,
 hodie nanq̄ in domo tua me manere oportet. Dñe
 quid est hōc quod dicis: Nunq̄d nō sunt fideles q̄
 ad talem hōiem applicas: Publicanus est Zachæus,
 imo princeps publicanorū, peccator est & prædo:
 uidere te uoluit tātum. Nunquid de sola uisione iā
 debet saluari. Ascendit in arborē ut uideret. Si autē
 nec dum uidit actusq̄ suos necdum īgemuit. Nun-
 quid confessus est maculā suā: aut flagitia replica-
 uit: Nunquid fleuit ante tē, aut fecit eleemosynam
 ī peccatis suis, & adhuc homo p̄phanus, & dicis illi,
 hodie ī domo tua me manere oportet: uix dhuc uel
 uidere te meruit, & iam angulos eius uisitas, hōspi-
 tiumq̄ amplecteris. Verū hoc officii tui est īdulgē-

tissimæ curæ,quinō uenisti iustos inuitare, sed pec-
 catores corrigere. Manes cum publicanis, mandu-
 cas cum peccatoribus, iungeris cum iniustis, ut hac
 societate quasi arte quadam eos conuertas, & cor-
 rigas ad salutem. Zachæe descende, inquit, quia ho-
 die apud te me manere oportet. Et quid Zachæus?
 descendit confestim de arbore, iam uerbo dñi emē-
 dator. Aspectus em̃ dñi emendauit prædonem, &
 solo sermone mutauit sensum eius. Descendit, per-
 niciter pperauit, exultans parauit hospiciū, suscepit
 uitæ præfulem, & factus est filius Abrahamæ. Mansit
 apud illum **CHRISTVS**, inspirauit illi ignem se-
 cretorum, ignem fidei, spiritus sancti occultū ardo-
 rem, ut amore dei & calore fidei flagrans talia uer-
 ba depromeret, Domine, ecce dimidium bonorum
 meorum do pauperibus. Audisti quid dixit? Ecce
 dimidium bonorū meorum dispergo pauperibus.
 Tanquam si ita diceret, Modo uidi, modo cogno-
 ui. Saluator, nō ex me sed ex te facta est correctio
 mea, per sensi prædas meas, pensauī actus pestiferos
 quos in avaritia ppetraui. Oro, obsecro, adiuua me
 miserū & peccatorē. Ecce erogo quod abstuli, ecce
 reficio indigentes quos læsi, ecce uestio quos nuda-
 ui: & si quid alicui fraude abstuli, in quadruplo red-
 dam. Vidisti largitionem raptoris, instat adhuc di-
 cendo, Adesto domine, ego in quadruplo reddo
 quæ inique abstuli. Tu cura criminofum, tu susci-
 pe uotū

DE POENITENTIA.

pe uotum meum, & sana uulnera mea. Eruat eleemosyna quæ obruit auaritia. Indignantur quidam & imputare conantur domino, cur ad peccatorem diuerterit, & in domo publicani mansitare uoluerit. Sed quid dominus ad eos. Nunquid uos ita? Nolite sic de me sapere. An nescitis quoniā publicanorum sum & peccatorum saluator? Amen dico uobis, quod hodie salus facta est domui Zachæi, quoniā & hic filius est Abraham. Salus illi facta est quoniam saluatorē & uidit & cognouit, & recepit, & pceptū eius impleuit. Non audistis quid dixit? Dimidiū substantiæ meæ do pauperibus, & si cui aliquid defraudaui, reddo quadruplo. Quid uos indignamini talē operariū? Tā maturē conuersum possum repellere & nō libet ei recipere, & hūc despiciere tā cito trās lato de malo in bonū, de præda ad palmā? Non uidisti quia publicanus factus est indigentiu præsul, & homo forēsis meruit esse filius Abraham? Nō meministi quia filius hominis uenit quære re qđ errauerat, saluare qđ perierat? Aspicite publicani, intue mini peccatores, pcedite auari, fures, atq; raptores. Videte exēplū Zachæi, Inspicite qualem inuenit fontis uenā aquarūq; fluēta. Quibus se per eleemosynā spōte pfudit, sordesq; suas oēs in publica functione cōtractus distruxit. In Zachæo sententia illa absolūtē, pcessit, Sicut aqua extinguit ignē, sic eleemosyna purgat pctm. Pusillus corpe, factus est

præclarus opere. Flagitiosus cōceptus, felix subito de eleemosyna nascitur. Modicus ascēdit arbore ut uideretur a CHRISTO, & uulgaretur ī mūdo. Arbor optabilis salubri medicamine plena, quæ in solo aspectu subuenit peccatori, & sanctificauit paphanū. Non talis inuenta est arbor ista qualis illa principalis de qua dictū est, Qua die manducaueritis ex ea morte moriemini. In illa serpens decepit simplices, in ista saluator subuenit peccatori. Imitare & tu Zachæū, ascende in arborem animæ tuæ. Arbor est ī te, alta fides tua, & specula excelsa. Sta in cacumine huius arboris huiusq; speculæ, ut ualeas uidere Deū, CHRISTVMq; trāseūtem sicut uidit Zachæus. Ille ascēdit in arborem quia non poterat uidere præ turbis. Te non turba hominū retinet, aut caterua excludit, sed habes inter uitiorum syluam, & cogitationis cateruas quæ mētem tuam obumbret, & aspectum aporiant. Sed tu conuelle de corde tuo syluam istam malè umbrātem. Repelle noxias cogitationes & consciētiæ strepitum. Relinque in animo tuo unam arborem limpidam, fructiferā, crucis stigmate præferentem, in quam ascēdens uideas & ipse CHRISTVM sicut uidit Zachæus, & dicat tibi, Amē dico uobis qđ salus hodie homini isti facta est, quoniā & hic filius est Abraham. Cōpūgere, prīnus in affectu uerborū eius, & cōcipe animo cū magna alacritate facere eleemosynā. Por

DE POENITENTIA.

rige modicū, & promerere multū. Eroga terrena,
 & exige sempiterna, sicut fecit Zachæus: qui dū
 terrenā dispergit substantiā, nō solū cōgestā molē
 fōtibz eleemosynæ deluit, sed & iā heres regnicoe-
 lestis, & filius Abrahæ esse pmeruit. Vidisti elegā-
 tissimū documentū, uidisti Zachæū nephas auari-
 tiæ, eleemosynæ imbribz expiātū. O quā singula-
 re salutis cōpēdiū erogare pauperibus, & abluī de
 peccatis. Eleemosyna subito cōuersum hominē de
 peccatis, non solum purificauit, sed & iam corona-
 uit, & fecit de publicano paradisi ciuem. Si supple-
 ta est ratio, si cumulata est de stipendiis pauperū
 remissionis mensura, et sufficit tibi exemplum pu-
 blicani, qui miserabiles actus trāfacti temporis, per
 eleemosynam, quasi per flumen indulgentiam tra-
 xit, atq; mundauit, secū avaritiæ laqueo per ero-
 gationem eripuit. Accipe nunc aliud pietatis exem-
 plum in muliere meretrice propositū, ut possis eua-
 dere luxuriæ crīmen, & fornicationis capturam.
 Retine quod præmilimus, quia duo sunt in homi-
 ne capitalia crimina, avaritia & luxuria, & docui-
 mus quod avaritiæ crīmen calcāuerit publicanus.
 Audistis enim quia erogauit esuriētibus, & euasit,
 Pauit paupes & meruit esse qđ nō erat. Nūc de lu-
 xuria erit sermo ī meretrice memoratus. Mulier a
 te exigimus qđ multis, psit. Meretrix, da nobis exē-
 plū, ut sciamus q̄modo stuprata mēbra tua nō sunt

a deo despecta, sed magis recepta. Dic nobis criminosa, quatenus effecta es casta? Noli tacere publica, sed p de nobis beneficiū CHRIS TI, & doce nos quo genere facta es de meretrice, uirgo. Audite causam, discite curā, quia princeps misericordiæ mirabilia fecit. Recepit meretricē, purgauit publicanū, clarificauit corruptā. Phariseus quidā noīe Simon, CHRISTVM rogauit in domū suā, & parauit illi cōuiuiū ut ederet apud illū. Ingressus inquit dominus dignanter discubuit. Et hoc quoq; miranda humanitas, ut ut deus in domo Pharisei, & discuberet & ederet. Apud Zachæum mansit, apud Phariseū māducauit. Et hoc quare? Nisi quia publicanorū erat, & amicus & saluator? Sed discubēte illo etiam edente in domo Pharisei, quid factū est? Ecce mulier peccatrix quæ erat in illa ciuitate, ubi cognouit quia intrauit CHRISTVS, & recubuit in domo Pharisei, subito q̄si meretrix audax intrauit in domū, & a teritā publicis aspectibus frōre obtulit saluatori. Audacter intrauit nō iā meretrix sed modesta, non libidinē expletura, sed lucē uisura. Intrauit nō ad libidinis formā, sed ad indulgētiæ fontē. Intrauit non ubi iam ultra sordesceret, sed ubi contractas depōeret sordes, & stuprata uiscera dño miserante purgaret. Supergressa est a uita nec respexit ad Phariseū, sed recto limite direxit ad fontē, pudore priuata & poenitudine armata. Et quid fecit?

Contulit se ad pedes CHRISTI, in toro recumbentis sterit anxiosa, curuatque corpore pedes domini tenet rea, & remedium elicit. Vritur, animo loquitur, tacet & gemit silenter, instat importune poenitudine stimulata, subrigit ad coelum animū, aspectumque defigit in terra. Illum solū uidet quem tenet: illi pandit peccatum suū, illi peccata detegit, & criminosa referat conscientiam. Cor suū supra pedes eius mistum cum fletibus fundit. Capillis etiā mollibus lacrymis perfusos pedes quasi linteo quodam detergit. Nec solū lacrymis abluere satis est & criminibus tergere, insuper de alabastro quod in manu tenebat unguento perfudit: ut pedes quos rigauerat unguento liniret. Atque in his tribus speciebus immunda mulier in lacrymis & capillis & unguento quasi fontem baptismi sui de pedibus CHRISTI extraxit. Nā in fonte baptismi quid aliud est quam aqua & crisma & uestis alba: huic mulieri pro aqua fletus fuit, pro crisma unguentum, pro ueste capilli. O mulier peccatrix, multa adinuētio tua. Quis tibi monstrauit talem, aut inuenire aut proponere artē: ut cōgesta in te crimina momētaneis lacrymis uinceres, criminibus raderes, unguēto stirparēs. Quid ergo? Intrauit, inquit, mulier peccatrix cum alabastro unguēti, sterit iuxta pedes CHRISTI. Et quid saluator? Nunquid ignorabat eam? Nunquid nesciebat quod esset publicana? hoc nephas est dicere.

DE POENITENTIA.

Verum ubi uidit cōpunctā, iam nō reppulit quasi publicanam, aut spreuit importunā, sed recepit dolentem, & amplectitur poenitentem. Non ei imputauit ut erat imputandum. Non ei dixit dñs meretrix, adultera, fornicaria, fluida, tu uenis ad me, tu proximasti, tu ausa es pedes meos manibus pollutis contingere? Non uidet massam malorum tuorum? calent adhuc in te crimina, membra tua feruorem libidinis spirant, corpus tuum criminosis maculis plenum est. Animam ipsam intus contaminationis tuæ funesta sarcina premit, & tu tātis sceleribus deprauata ausa es uenire ad me? non illi sic CHRISTVS nec imputauit, nec dixit, Qui & si dixisset, illa talis mulier parata erat sine dubio contraria respōdere. Si dixisset illi CHRISTVS immunda mulier, scēdissima, contaminata, cessa, à me discede, nullam habeo cū meretricibus causam. Habuit illa respondere ut hoc illi opponeret. ¶ nē rex cōcelestis redēptor mundi, quæ sunt hæc? quid descēdisti de cōelo, propter iustos tantum? Et quanti sunt iusti, sic peccatores repudias? Vbi pp̄lus tuus, aut quos medicus uenisti curare? Nunquid sanos? Absit. Sanis nō est opus medicus, sed meretricibus opus est medicina. Publicani te pulsant, ut curam accipiant: peccatoribus uenisti porrigere manum, elisos erigere, cæcis reddere uisum. Medice, non me repellas uulneratam, & si me repellis, ego nō rece-

DE POENITENTIA

do, sed iure meam de te exigo sanitatē: quia sanare uenisti faucios, non repellere. Teneo pedes tuos, nec ante discedo quā percipero curā. Omnipotēs suscipe importunā, & noli despiciere pulsanter meretricem. Ecce preciū tibi offero pro redēptione mea. Corrige ad me aspectū tuū. Et quid est qđ offero? Indigens sum, inops sum, nihil habeo in substantia prāter lacrymas: & hoc satis tibi est. Scio ego qđ grata sit ista oblatio. Nō quæris pecuniā, sed exigis poenitentiam. Nec libamina tantum quæris, quantum lacrymis delectaris. Sacrificium tibi est cor cōtribulatū & spiritus cōpunctus. Suscipe itaq; pretium poenitētiæ meæ, & da mihi præmium indulgentiæ tuæ. Pastor bone dic mihi quæso, nunquid non sum de ouibus tuis? sed erraui de grege, & facta sum sicut ouis perdita. Quære ancillam tuam, & fac me de meretrice pudicam. Noli me despiciere, non sum sola, multas habeo compares, & quā maxima pars ouium tuarum in me est. Pastor excelsse quære oues dispersas, & scabie contractas. Collige eas in unum, & imple ouile tuum. Tu nanque dixisti, Habeo & alias oues quæ non sunt ex hoc ouili, has oportet me aggregare ut fiat unus grex & unus pastor. Quæ sunt istæ aues, quæ non sunt de mandra tua? nunquid meretrices & publicani? nunquid peccatores, adulteri, & iniusti? Cæterum si hos repudiaueris uel excluseris, qui

remanebūt qui impleant ouile tuum: Prophetæ & Apostoli, martyres, uirgines, & continentes. Quanti sunt ad integrum populū: Si igitur præscribitur peccatoribus, pauci intus & multi foris erunt. Sed quoniā redemptor es generalis & pastor cōmunis qui uenisti non perdere sed saluare: collige corruptas oues & scabie cōspersas ad caulas cōlestes. Fac de omnibus unum gregem: & esto omnibus unus sicut promissisti & saluator & pastor. Obsecro te ego mulier ut indigna, & tacita intra me prece de-
posco, sciens te esse errantiū medicū. Dolorem meū uerbis ingemino, & actionem meam secretis singulis premo. Esto mihi aduocatus. Suscipe causam meam, & solue compedes meas. Multum est quod merui tangere pedes tuos. Ego fletibus poenitiæ perfundo pedes tuos. Tu lumen indulgentiæ, dele crimina mea. Tāgo te saluator, ego imūda mulier, & osculor pedes tuos, non ut inquinem quod tangō, sed ut abluar ab eo quem tāgo. O meretrix, magna est fides tua, mira conuersatio, clara confessio. Non te iam dicimus meretricem, sed omniū meretricantium medicam. De te enim capiūt multi recuperationis exemplū. Sed cōcepti capituli ordinem replicem. Phariseus interea qui rogauerat dominū, ubi uidit uelut indignam mulierem, ait intra se, Hic si esset propheta, non sineret hanc mulierem tangere se, cuius sciret infamiam. Illo sic intra se perpen-
dente,

DE POENITENTIA.

dente, & prosperū actum obscurare nitēte, cogitatū eius cōprehēdit dñs & detexit. Simon, inquit, habeo tibi aliquid dicere, At ille respondit, magister dic, Fœnerator aliquis duos habebat debitores, unus debebat quingētos denarios, alter quinquaginta. Isti dū non haberēt unde redderēt, dimisit utrisq;. Dic quæso te, quis de istis duobus diligere plus debuit? Respōdit Simō & dixit: Quātū ego æstimo ille cui plus donauit. Dixit ei dñs, recte iudicasti. Simō hospes Pharisæe, collige ad te parabolā istā, nescis quā propter te illam protulī? Cur indignaris, cur uenum uersas in pectore tuo? Cur contra factum bonum subrigis caput serpentis? Indignū iudicās me suscipere mulierem fornicariam lacrymarū fontibus inundantē. Sed facis hoc quasi incredulus phariseus, dū non uis me esse aut credere deū. Amice fecisti rem bonam, parasti mihi conuiuiū & prandiū exhibuisti. Sed quid ad istā mulierē? Animus eius plus est quam tua humanitas. Amor eius uicit tuū conuiuiū. Non uidisti quid fecit? Intraui in domum tuam aquam pedibus meis non dedisti, hæc autem lacrymis rigauit pedes meos. Osculū mihi non dedisti, hæc autem ex quo intrauit non cessauit osculari pedes meos. Oleo nō unxisti caput meum, hæc pedes meos unguento perfudit. Propter quod dico tibi, remissa sunt illi infinita. Phariseæ ex malo fermento indignaris. Angit te quod saluauerim pul-

fatricem, & a peccatis absoluerim, Et quid hoc ad
 te mala intentio tua? Nunquid non licet mihi face-
 re in meis quod uolo. An oculus tuus nequam est
 quia ego bonus sum? Sed si tibi placet, collige ad te
 parabolam meam, aperi oculos tuos & uide. Tu fe-
 cisti conuiuium, & meretrix coronata est. Quare?
 quia multum dilexit, multum plorauit, multū pœ-
 nituit, Plus ualuit apud me fletus meretricis, quàm
 tua fercula. Et inde duplo tibi prælata est fornica-
 trix, quando tu quinquaginta, illa quingentis com-
 pensata est nummis. Nec immerito de uobis præ-
 dictum est, Quia meretrices & publicani præcedunt
 uos in regno dei. Et conuersus dominus I E S U S di-
 xit ad mulierē: Fides tua te saluam fecit, uade in pa-
 ce. Ecce quomodo patuerunt proposita in duobus
 exemplis. Ecce quomodo crimina contrariis colli-
 sa sunt armis. Auaritiæ tela retudit eleemosyna:
 Luxuriæ crimina lacrymæ restrinxerunt. Fœnera-
 uit publicanus, & factus est iustus. Fleuit fornicaria
 & facta est sancta. Quid tua ad hæc libidinosæ pro-
 uocatus exēplis desperas? Forte dum displices tibi
 ipsi desine desperare, & disce quid agas. Quādo uis
 orare pro luxuria quæ in te est, aut erogare aliquid
 pro peccatis, scio quia resistit tibi consciētia tua, &
 reuoluit tibi infinitum numerū peccatorum. Ob-
 strepit tibi silenter dicēs: Quid quod oras, aut quid
 est quod erogas? Clades est intra te, scelerum te cura

DE POENITENTIA.

mulus urget. Et quanta est obsecratio tua, uel erogatio? Quando sic te obiurgat conscientia tua, tu noli terreri, sed oppone illi publicanum, obice meretricem, & dic, Cessa conscientia, noli mihi obstrepere, noli obsistere. Est accessus ad deum, & locus remeandi ad CHRISTVM. Impius fuit publicanus, sed non desperauit. Foenerauit publicanus, & factus est intimus. Fleuit meretrix, & facta est felix. Vt quid me corripis conscientia? Vt quid me confundis & deprauare contendis? Si deus recipit, quis est qui retinet? Si deus iustificat, quis est qui cōdemnat? Christiane quid tardas? Publicanum uides antequam adhuc poeniteret receptum & ambigis? Quid metuis? Vitium libidinis quo corpus poluitur & membra maculantur, quasi non toto animo gemueris, absolueris. Homo si cor tuum uides, uides uno momēto p̄ solas lacrymas ablutum, & dubitas? sed dicis, Ecce compunctus orauī, aut fleui pro his quæ malè gessi, aliquatenus merui domino indulgentiæ absolui, post hoc ut est ipsa conditio si rursus peccauero, quid factururus sum? Nūquid iterū flere debeo, aut indulgentiā flagitare? Aut nūquid est adhuc repedare remediū? Respondeo tibi. Si quidē radix peccati in mēbris tuis aresceret, uel ab animis tuis discederet, rectè hoc diceres. Si em̄ stimulus carnis quiesceret, securus esses nec

peccatum faceres, nec poenitentiam quaereret, sed semper quasi Angelus illibatus iaceret. Quod si te naturalis concupiscentia urget, & pugit libido, quid facturus es fragilis? Vinceris subinde, flecteris frequenter, & facis aliud quod deus non vult, facis illud quod forte tu ipse horrescis, ut ait Apostolus. Non quod uolo ago, sed quod odi hoc facio. Quid nunc? Ecce orasti & adiuuit dominus. Adiuuit pius, indulgit misericors, euasisti peccatum. Sed qui iam absolutus es a stimulo carnis, ecce iterum cogit conditio, cadere post ueniam impetratam, delinquere post indulgentiam, & post lacrymas iterum lapsus incurrere. In hoc plane iam magnum interuenit odium & inestimabilis difficultas. Conari quidem debes toto animo, & pugnare pertinaciter contra carnis stimulos & concupiscentiam cordis, ut uincas & non pecces. Sed si forte contra uotum tuum, conditio carnis uicerit & cupiditas strauerit in peccatum, quid facturus es? debes iam despiciere aut desperare salutem? Noli sic cogitare, Surge iterum homo, surge, noli timere, noli iacere. Est qui recipiat & qui te non despiciat si surgis. Mox tu surgis, mox te erigis, iam non errorem tuum deus, sed animam respicit, nec peccatum computat, sed poenitentiam pensat. Odit plane si te uiderit negligenter, aut resolutum, aut pigrum, si te uiderit non laborantem in poenitudine sed remanentem in crimine. Talis namque est deus erga homines. Odit peccatorem, amplectitur

DE POENITENTIA

ctitur poenitentē. Ergo cecidisti, noli diffidere aut differre, sed surge. Si per singulos dies erraueris, per singulos dies cōuere, & emēda: hoc est em̄ quod à te expectat & exigit deus. Aut non audisti quō eius uox resonat p̄ Hieremiā p̄phetā? Nūqd̄ qui cadiť nō resurget? aut q̄ uersus est nō reuertēť? Hoc nō de uno casu dicit, sed totius temporis lapsus testatur. Si enim contigerit saepe cadere, plerunq; desinquare, clamat ille semper & dicit, surge homo. Quid dicit? Nunquid qui cadit non resurget? Surge peccator & conuerte te ad me: quia nolo mortem peccatoris. Quantū, quotiens peccauerit, cōuertat se à uia sua maligna & uiuet. Hoc ita dicit, ut nō tu per multas ruinas ac si despectus, ac si desperatus deficias, sed subrigas te sollicitior ac per singulos lapsus stes contra peccatū. Opponas illi lacrymas, obiciās elemosynā, interseras orationis excubias, ut pondus peccati poenitudinis pōdere obruas & euertas. Sic persistentē nunquā deserit diuina clementia. In isto agone positus homo non per latam incedit uiam, sed angusto itinere pergit. Latam planē tenet uiam qui nō uult resurgere de ruinis. Angustam conficit semitam qui quotiens peccauerit redarmat & plāgit, & tenet semp poenitentiā in uia angusta quae ducit ad uitam. Huic dicitur sine dubio, Qui perseuerauerit usq; in finē hic saluus erit:

INCIPIT HOMILIA EIVS
DE SANCTI LAVRENTII PRES
BYTERI DE ELEEMOSYNA.



PATRES CHARISSIMI OM
nis scriptura diuinitus inspirata & sa
lubriter ordinata, ut ait Apostolus, uti
lis est ad audiendum, apta ad instruend
dum, necessaria ad retinendū, suavis ad
perfruendū. Sed iter multa utilia & salutaria præ
cepta: quæ scripta sunt in diuinis paginis, nulla est
alia tam efficax, tam ualida & uelox nostrorū uul
nerum medicina quàm præceptū eleemosynæ. Si
quidem eleemosyna non solum peccata purgat, &
uulnera conscientiae curat, sed etiā animā ipsam de
morte reuocat, regnorumq; celestium facit esse con
sortē. Huius præceptionis uel operis auctor est iu
stissimus Tobias. Cæcus corpore, & clarus opere,
tentatus ad tempus, & non mortificatus. Tempo
rali aspectu paulisper priuatus, & perpetuo bonorū
operū lumine plenus. Hic talibus monitis filiū præ
struebat. Fili, de substantia tua fac eleemosynam, &
ne auertas faciem tuam ab omni paupere: sic fiet ut
a te nō auertatur facies dei. Tulit etiam scrupulū
de animo, trepidē uel dubiē largiētis ut siue de mul
to, siue de modico quispiam largiri nō desinat. Fili
secundū quod tibi est facito. Si largior est substan

tia, largius eroga, si modica, porrige modicū. Et noli dubitare dum erogas, noli diffidere dicens, Ne forte sufficiant nobis, sed esto lätus dum erogas, quia hilarem datorem diligit deus. Præmium bonum tesaurizas tibi quod te subrigat in die necessitatis, quoniā eleemosyna de morte liberat, & non permittit intrare in tenebras, præmium est uitæ perpetuæ. Probasti eleemosynæ efficaciam, uidisti fidum ac singulare solatium. Hæc nanque si fuerit fideliter impertita, non solum peccatum euertit, sed etiam mortem extinguit. Quam ualidus est ignis quādo ardet, & tamen ualidior est adhuc aqua quæ ignem extinguit. Quid igitur peccatum? ignis habet uigorem, eleemosyna aquæ habet liquorem. Sic cōparatū est, Stat materia cōtra materiā, stat aqua contra ignem, stat eleemosyna contra peccatū. Audistis quid scriptū est? Sicut ignem ardentē extinguit aqua, sic eleemosyna extinguit peccata. Homines cum sumus in lubrica natura, plerūq; peccātes non cesset anima iustitiæ aqua exuberans. Radix omniū malorū quid est? Auaritia. Radix omniū bonorū quid est? Eleemosyna. Et qui nunc uulneratus es per avaritiā, cura te per eleemosynā, mortuus es per avaritiā, uiuifica te per eleemosynā, exulcerata est peccatis aīa tua, unge eā pietatis ac iustitiæ ope. Audisti cōmonitionē iusti, Eleemosyna de morte liberat, & nō pmitit intrare in tenebras. Implicauit te cupi-

ditas, habes multa piacula, iaces auaritia præditus, deprauatus luxuria: derogasti, blasphemasti quàm plurimus, sæpe mentitus es, plerumq; peierasti. His nequitia partibus, aliisq; similibus obruta est mens, cōuulsa est cōscientia. Quid modo? Nunquid desperādū est inter hæc? Nō sic iubet dominus. Sed quid præcipit? Facite, inquit, eleemosynā & fiunt in uobis omnia mūda. Noli temetipsum in talibus desperare, sed declina à malo, & accelera facere bonum. Deus te non despicit, & tu desperas? Errasti in auaritia, emēda te in eleemosyna. Polluit te immūditia, purificet iustitia. Si enim ex animo erogaueris, non solum mundaberis peccato, sed etiam laudat te Propheta, iustitiamq; tuam prædicat dicēs, Lucūdus homo qui miseretur & foenerat: hic enim in sæculo non cōmouebit. Quare? quia dispersit dedit pauperibus iustitia eius manet in sæculū sæculi, cornu eius exaltabitur in gloria. Si sic sapit homo peccator & intelligit sollicitus pro se, si alii indigētes & adiuuat miseros, addit illi Propheta ampliorē laudem dicens, Beatus qui intelligit super egenum & pauperem, in die mala liberabit eum dominus. Nec liberat tantum, sed liberatum conseruat, uiuificat, ac beatificat. Si iustum inuenerit eleemosyna, cumulat eum meritis, si peccatorem, absoluit à peccatis. Si ægrotum, subleuat à doloribus. Dominus, inquit, adiuuet eum super lectum doloris eius.

Quem?

DE ELEMOSYNA.

Quē illū scilicet qui intelligit super egenū & pauperē. Hæc quæ diximus Dautica sunt. Ecce Salomonis adhuc ualidiora solatia, quæ misericordiæ medicina fouēt ægrotantes, fulciunt titubantes. Cōclude, inquit, eleemosynam in ore pauperum & ipsa exorabit pro te in die malo. Quid est hoc quod dicit? fiat apertū. Habes multarum offensionum & peccatorū congestam molē: Quam cum solus non potes ab animis tuis depellere, noli tediari, adest auxiliū. Si uis, prope sunt adiutores. Aperi oculos tuos & percipe in pauperes. Ipsi enim sunt in tali opere adiutores. Eroga quantum ualuerit manus tua. Cōclude eleemosynā in sinu pauperū, & ipsa te eruet. Fac eleemosynam, & moles illa criminum quam timebas momento minuitur, & a consciētia labitur. Studiosus agricola uicinos suos ad opus plerūq; āuitat, ut agris suis uel uineis tēpore oportuno adhibeat competētē culturā. Ne si neglexerit dū solus non euincat, aut præualet, aut ager spinis sordescat, aut uinea farmētis syluescat. Ille adiutores sibi adiungit operarios quæ multiplicat in terrena cultura, & tu agrū cordis tui uincamq; animi, dū solus colere uis relinquis deserta? Homo, aduerte quod dicitur. Spiritualis est ista non carnalis cultura. De eleemosyna conduc operarios. Quos? Cæcos, claudos, debiles & alios his similes. Hi sunt oparii parua mercede conducti, qui purgant agrū cordis tui,

& renouant uineam ut fiant in te per culturā eleemosynæ & ager frugifer & fructifera uinea. Conclude eleemosynam in ore pauperum & ipsa orabit pro te in die malorum. Dies malus uel malorū quis est? nisi dies iudicii, dies terribilis futuri examinis. Prouide tibi homo, compone uineas tuas, colloca te hic in ore pauperum. Conclude eleemosynam tuam in esurientium uictu, ut dies ille tremēdus non tibi in metu ueniat sed in uoto. Ille nanq̃ dies properat qui strictis hominibus amarus emergit, misericordibus uero optabilis est & affabilis. Conclude eleemosynam in ore pauperum, & ipsa exorabit pro te in die malorum. Tu taces, & eleemosyna quā fecisti deprecatur pro te. Quod in silentio fecisti, in ore pauperum publicatur. Bonū quod latenter fecisti in lingua indigentium prædicatur. Remissio delictorum tuorum, in ore eorum resultat. Conclude eleemosynam in ore pauperum, & ipsa pro te mitigat iram dei. Mitigat iram dum abluit crimina. Os pauperum corrigitur tibi in baptisma, & uenter esuriētium satius, indulgentiæ tibi aquam exūdat. Parum est quod eis impartitur, & multum est quod ab eis nascitur. Hortatur ipse dominus per prophetam, Frange esurienti panem tuum. Quid pro hoc recepturus? accipe euangelicam sponsonem, Venite benedicti patris mei possidete regnum paratum uobis ab origine mundi.

Quare? non quia superbi aut diuites fuistis, aut potentes in mundo prædiis: sed quia esuriui & dedistis mihi manducare. O commutatio. Panem dedisti esurienti, & percepisti regnum. Quantam pecuniam profundit homo in hoc mundo, ut aut mæcipia aut prædam comparet. Regnum supernum tibi uendit CHRISTVS, tam uilissimo precio, & comparare dissimulas? Noli diffidere, frange esurienti panem tuum, nutri indigentem, uesti nudum, fove peregrinum, & posside regnum, non terrenum sed supernū. Clamat pater de præcedente uolumine, frange esurienti panem tuum. Respōdet & filius de euangelica pagina, Esuriui & dedistis mihi manducare. Concordant sibi utriq; sonus. Quod pater anticipauit in prophetis, hoc filius in sua persona susceptum impleuit. Factus est pauper ut tam pauperes foueret, quàm diuites commoueret. Factus est pauper ut culpas diuitum in pauperibus emendaret, & uitia eorum in eleemosynis expiaret. Ob hoc dicet, Esuriui & dedistis mihi manducare, & quia me refecistis, recipite e contrario regnum. Quale regnum? In regno iusto quod CHRISTVS donat qui est paradysus. Et in paradiso qd est? Lignum uitæ. Et in ligno uitæ quid? manna absconditum. Hoc ipse dominus in alia scriptura, pmittit, Vincenti, dabo lignū uitæ, & manna absconditum

quod est in paradiso dei. Qui sunt autē uicturi quā illi quibus dixit. Venite benedicti patris mei possidete regnū paratū uobis ab origine mundi. Esuriui & dedistis mihi māducare, sitiui & dedistis mihi bibere: Nudus fui & dedistis mihi indumētum. Ecce palma & præmia. Pro pane modico quē dedisti, accepisti manna absconditū: Potū porrexisti & paradysum recepisti. Si ergo uideris esurgentē, frange illi panē tuum: Si uideris nudū da illi uestimentū. Et hoc cū feceris, non donas sed debitū soluis. Quid iubet dominus? si uideris, inquit, nudum, uesti, & hoc tu non foenore facis. Qui iubet hoc facere tibi uult mederi, & uicē tibi repēdit ille, qui utrūq; repēdit. Videt enim ille in paupere quidem corporis nuditatem, in te autem animi foeditatem. Ergo si uideris nudum uesti. Et quando illum texeris, ornasti animam tuam peccato spoliante nudatam. Tu illum texisti corporea tunica, ille de te expulit foeditatem. Mox ueste tua cum texeris uiscera indigentium, reformat ille in te baptismatis uestē, & retexit tunicam quā acceperas ex aqua & spiritu. Nō enim potest homo munera lauacri inlibata seruare, nec purus semper persistere noxia sibi incumbente natura. Verū cū sæpissime lubricus incedat, & offensas incurrat, opera faciunt indulgētiā, poenitētia reformat puritatem, oratio præstat abolere remissionis

DE ELEEMOSYNA

remissionis fontem. Lacrymæ abluunt fuscā tu-
 nicā, eleemosyna reddit candorem. Hæc exercēs
 erit tibi intra te quotidiana oblatio, quotidiana re-
 missio. Ille est fons refrigerii, ille est remissio tuorū
 criminū, qui dixit tibi, Esuriui & dedistis mihi mā-
 ducare, nudus fui & dedistis mihi indumētum. No-
 li tu intendere mendicum aut peregrinū, captiuum
 aut nudum, sed **CHRISTVM** qui in his loquitur
 contemplare. Aut non audisti quid ait? Quādiu fe-
 cistis uni ex minimis istis, mihi fecistis. Sed dicis,
CHRISTVS dei filius qui in pauperibus pascitur,
 cur nō magis ipse opulētat inopes, exaltat humiles,
 erigit indigētes, cum ipse sit omniū prouisor & lar-
 gitor? Qui hoc opponit audiat ediuerso. Forte æsti-
 mas esse homo illi aliquid impossibile? Non æsti-
 mas homo, sed audi quid est. Si enim omnes homi-
 nes fecisset æquales, ubi erat fidei exercitiū, ubi ex-
 perimentū uirtutis? si fecisset omnes diuites, omnes
 licenter delinquerent. Et si ita esset, unde ueniret re-
 medium? aut unde manaret remissio? unde erat in-
 dulgētia expectāda? Prouidentia ergo diuina ape-
 ruit nobis peccantibus medicinæ armarium, ut face-
 ret sicut scriptum est, & diuites & pauperes & hu-
 miles & excelsos. Vt quoniam diuites per exube-
 rantia rerum proni sunt ad uicia, ac per intemperā-
 tiam plerunq; labūtur, haberēt coniunctos sibi in-
 digētes uelut fonte lauacri, aut ut plus dicam, uelut:

flumen Iordanis ubi CHRISTVS tinctus est, in quo per eleemosynæ largitatē diurna superēt delicta. Et quidē in Iordane semel tinctus sanctificabit aquas. In pauperibus autē semper manet, & assidue abluit crimina largientiū. Dedit itaq; CHRISTVS nobis uelut indulgentiæ indices. Quos: cæcos, claudos, debiles, paralyticos, quin etiā orphanos & uideuas, pegrinos, pfelytos & aduenas, atq; huiusmodi hoīes omni auxilio indigētes, ut in his quicunq; sunt opulētiores pium prætendāt affectū. Flectātur faciles ad ægra ac debilia corpa, animasq; uexatas. Faciāt sibi tales amicos, iuxta euangelicā doctrinā, de infideli māmona, id est de breuibus rebus, ut cū defecerint hic, recipiant eos in æterna tabernacula. Et idcirco diuites nolite despicere inopes, nolite respuere indigētes, sciētes quod amici sunt animarū, & medici uulnerū interiorū. Ager est iuxta te, sparge semen tēpore cōpetenti, & esto fidus, quia nō te fallit ista cultura, hic seris, & alibi metes: Spargis modicū, & colliges multū. Quicqd dederis colligitur, ibi in supno cellario, quicqd porrexeris, pficit in futuro. Nunqd nō potest CHRISTVS ditare mē dicū: nunqd nō ualet modo illuminare cæcū, curare claudū, strīgere paralyticū, mundare leprosum: ualet quidē, sed dissimulat in te, ut p hos aliorū debilitates excludat, & ægritudīes effugiat: nā cum sint debiles, fiunt tñ delinquētīū medici, nō ipsi, sed ille qui dixit, Quandiu fecistis his, mihi fecistis. CHR

DE ELEEMOSYNA

STVS est in eis medicus, qui p̄ eos sanat diuitū delinquētū uulnera, ut cū tēpus expectatū uenerit, & paupes suos exaltet ī gloria, & diuites iustis opibus deditos recipiat, sicut dixit, ī æterna hospitia. Vnde fratres dilectissimi & optādi amici retinete hæc, & sup̄ hæc adhuc discite alia. Necdū eīn patuit mea doctrina, replicāda est euangelica forma, & inde pādamus qđ p̄fectū est. Eleemosynā nōdū p̄fectionis typum ostēdimus. Typū eleemosynæ suis præceptis decreuit Saluator. Attendite, inqt, ne iustitiā uestrā faciatis corā hoībus. Si mercedē speratis cœlestem, humanū debetis declinare aspectū. Sufficit illū uidere opus ī secreto, qđ op̄precīū reddit ī publico. Quid q̄ris hoīem scire, qđ deo reseruas? aut qđ opus est hominī uidere qđ deus remunerat. Sufficit cōsciētia tua, habes testē op̄is tui. In te patet illi, qđ latet hominī. Si plaudis, nō places, si hoībus placere uis, displices illi qui docuit. Si displices minora sti iustitiā, uulnerasti gratiā, uiolasti mercedē. Denicq̄ sic subiūgit idem doctor, Si hoībus placere uultis mercedē nō habetis apud patrē cœlestē. In simili negotio etiā pnūtiāuit Ap̄lus, Si hoībus placere CHR̄ISTI seruus nō essē. Cū igit facis eleemosynā noli tuba canere ante te, sed tace, & supprime intra te factū tuū. Noli tubicinare ne uulneres opus tuū, noli p̄dere qđ fecisti. Operæpretiū perdidisti, si laudari ab hoībus uoluisti. Sufficit tibi hoc, habes mercedē tuā. Tales hoīes hypocritas appellauit sermo diuinus. Sic inqt.

faciunt hypocritæ in synagogis & in uicis. Erogant publicè, ut publicè præferantur, non à deo, sed ab hominibus. Dedit itaque dominus pulchram ac uerè secundam operis formam quando tales prohibet imitari, & iubet in silentio operari. Et quid dico in silentio? Nunc quid quando facis eleemosynam aut opus aliud quod gratum, potest latere? Absit. Nam te tacente, ipsa opera clamant & publicant factum tuum, te enim ignorante præferunt multi iustitiam tuam, & eleemosynam prædicant. Germinatur tibi gratia quia silenter egisti. Ab hominibus accipis plenam laudem quia tacuisti à deo perfectam mercedem, quia quod iussit, fecisti. Quid iussit, aut quid præcepit? ut non tuba caneres ante te, id est ut non ipse præferas sed alii. Nam & fructifera arbor non loquitur quidē, & tamen ex fructu cognoscitur. Et apes quando cecarum cellas intexunt, quando mel conficiunt, & dulci distendunt nectare fauos, non in publico opus exercent, sed sub uili cortice clusæ laborant, & inde post modum gratia dulcoris erumpit in publico: nec immerito dictum est, Quia brevis in uolatilibus apes, & tamen primatum dulcoris habet fructus eius. Retine ergo præceptum modicum. Fac eleemosynam, absconde penes te, sit intra te cella tua, ut quod tu regis ab aliis prædicetur: & tunc remuneratur à CHRISTO qui dixit, Quando facis eleemosynam nesciat sinistra tua quid faciat dextera tua. Discut-

tiendus

DE E L E E M O S Y N A .

clēdus sermo, requirēda sentētia. Quid est hoc? Nū
quid dispar est homo intra se in uno corpore, ut sit
alter in dextra, alter in sinistra: absit. Idē homo est
qui habet & dextrā & sinistrā. Et quomodo po-
test fieri, ut ignoret sinistra quid faciat dextra: nā
& si manus duæ sunt in corpore, dextra leuaq; , sed
animus unus est in homīe qui regit utrūq; latus in
dextra & sinistra. Līquet igitur & nō est ambigū,
quod in hoc præcepto, altius aliquid introducit,
& sublimius itelligitur. Duplex est plane homo in-
tra se. Et cū sit unus diuisus tamē in dextra & sini-
stra. Diuisus, quomodo: nō animo sed ope, nō men-
te sed moribus. Habetq; bonū & malum: bonū in
dextra, malū in sinistra. Præcepit dñs, nesciat sinis-
tra quid faciat dextra, quod a nobis sic intelligi so-
let, tanquā si ita dictū sit: Sinistra facit malū, non illi
cōsentiat dextra: id est, si corpus tuū delinquere co-
git, nō illi assentiat anima. Quid est in hoīe dextra
nōne pars animæ? Quid est sinistra? Nōne pars cor-
poris? Disce quid introducit: Nesciat sinistra quid
faciat dextra. Nūquid quando bonū geritur, caro
ignorat, aut quando malum facit caro: anima ne-
scit? Non est ita. Aliter intellige de sinistra & dex-
tra. Tale est quod dicit: Quando bonum aliquid co-
natur facere dextra, id est anima, non illi impediat
sinistra, quæ est caro, sed tanquam dormiente sini-
stra, festinet dextra furtiuo more operari bonum,

& expellere malum de membris quod dicitur sinistrum, hic est sensus, & hic est intellectus, Dextræ & sinistræ, exponatur apertius & luceat sermo in opere, sinistra tua id est caro errauit, dextra quod est anima, emendet errorem. Potuit enim in homine, dextrū fieri utrūq; latus, sed ideo dispar factus est in utroq; ut tam boni quā mali in se fermentum retineret. Boni, fermentum in dextra, mali, in sinistra. Quod si distingui potest, sinistra tua induxit te in peccatū, dextra tua eruat te de peccato. Sinistra peccauit in aspectu, dextra propiciet in secreto. Sinistra fecit prædam, dextra faciat eleemosynā. Quod illa fecit imprudenter, hæc emēdet silenter. Sinistra rapuit uestitum, dextra uestiat nudos. Illa percussit crudeliter, ista subleuet & sanet humiliter. Illa congeffit impietatem, ista sit plena pietate. Illa ipse sit uulnera, ista imponat medicinā & adhibeat curā. Reatus est in sinistra, remissio sit in dextra. Malum quod sinistra ingessit, dextra repellat, uenenū illius ista extinguat. Et quid plura? ignis est in sinistra, & est aqua in dextra. Quando flagrat, in sinistra ignis peccati, pluat in dextra iustitiæ aqua, & nihil est tunc quod noceat. Dum imples illud quod dictū est, Sicut aqua extinguit ignē, sic eleemosyna extinguit crimina. Hic manifestū est quia nec peccatū desinit in hoīe, nec fons, nec remissio deficit unquā. Sed diuisus homo in sinistra & dextra, ipse sui

arbitratur est, aut perdit, aut inuenit, quid tu adhæres? timetis forte, ne sinistra superet. Noli uereri, plus ualeat si uoluerit dextra. Et si inimica est sinistra quæ dānat, sed amica est dextra quæ saluat. Et si illa inquinat, prout ista sanctificat. Validior est aqua in dextra, quā ignis in sinistra. Nam ubi exuberauerit illa, mox istius flamma subigitur. Scito itaque quia & si flamma est delicti in corpore, sed fons est diuinus in corde, flammæ membra ministrant, fontem mens exprimat. Sic fiet, ut quod inquinauerit sinistra, sanctificet dextra. Sinistra diurnum habet inquinamentum, & dextra diurnam habet absolutionem. Vt quod polluitur in sinistra, purificetur in dextra. Homo sapiens intelligit hæc. Esto prouidus, esto proficiuus sanctis, quoniam supernus continuo uenturus est iudex discutere actus seruorum suorum, & nudare secreta. Sanctis quomodo foceratur cœlestis, uenit erogatam pecuniam exigere cum usuris. Et quæ est ista pecunia quàm euāgelica obseruantia? uerba sunt uitæ seminata. Venit sator ille seminis sui colligere fructus, pecuniæque suæ exigere pēsas. Si fecisti quod mādatū est, dicit tibi, Euge serue bone, & fidelis quia super pauca fuisti fidelis, super multa te constituā intra in gaudiū dñi tui. Vis scire quibus quātusque sit iste qui uenit, par est trinitatis uirtutis, princeps est angelorum, impator est supernæ militiæ. Dñs est cœlorum, gubernator est terrarum, super cherubim sedet & abyssi profunda

rimatur. Qui carne uestitus fecit quidem remissionem generalē in baptisma, in aqua & spiritu, sed uēturus est nunc exigere debitū. Non illud quod prius indulgit, sed quod post lauacrū aquæ, ab uno quō contractum est, & non est poenitudine deletū. Habet iudex iste in manu sua staterā in qua perpendit inter duo pondera, unum meriti, & unum peccati. Præuide te homo, senti pondus tuū, antequam ueniens ille in sua te statera suspendat. Consydera statum tuum & esto tibi ipse statera. Sta tibi de corpore tuo statera. Duæ manus tuæ, duo sunt calculi hinc atq; inde in statera pendentēs. Vides quomodo ipse tibi es statera: perpende cor tuum & conscientiam: Perpende animam tuam, membra que ipsa in statera prius quā diuinum examen incurras, sit animus tuus arbiter factorum tuorum ponderūq; inspector tuorum. Inspice diligenter quid tenet dextra aut quid gerit sinistra, Habes scilicet malum in sinistra conditum, meritum in dextra collectū. Vide quid plus est in opere tuo, aut quæ pars in actibus tuis exuberat sinistra an dextra, & uult te collidere. Noli cedere q̃a scriptū est tibi, noli uinci a malo, sed uince i bono malū. Molesta tibi est sinistra & quærit te subdere. Intrat opportunē uexat te uehemēter, collidit frequēter, & capit iugiter, prauo pōdere urget, aīam, & morsus feralis infligit detētes i te, Cōcupescētiæ carnalis infligit, ieternaꝝ latera tua

tua uictoriū suorū unguibus fulcat. Quādo uideris tu q̄ pars ista inimica cōcreſcit in malo, armisq̄ hostilibus stipata, sinistra q̄rit te expugnare, castraq̄ pectoris tui conat̄ euellere, tu noli terreri, sed redi in sensum tuū, & ibi inuenies adiutorem deum. Si tamen illum times, & futurum eius iudiciū reformidas. In hoc loco, in isto certamine non ignoret sinistra, sed ſciat magis quid faciat dextra tua. Sciāt quod ignorat aduerte diligenter quando strepit sinistra in malis, id est quando multiplicat caro partes aduersas contra uirtutem animæ, & exaggerat crimina. Stet dextera tua obnoxia contra partes pestilentia, contra arma hostilia, contra effœminata uitia, contra peccata & crimina, stet dextera tua armata, id est fides robusta, spes, stabilitas amore copulata, Obducāt scutum fidei, inducāt lorica spei, obijciat iustitiæ hastam, intēdat orationis arcum, erigat eleemosynæ trophæum, & confestim non solum cedit per aduersa, sed etiam cadit elisa. Iacet in uulnere & succumbit uictoriæ. Quæ diximus euidentius repetamus. Hostiliter te stimulauit caro, strinxit cōditio ut deliqueris, peccasti, crebro offēdisti, pressa est mens horrore, tristis est aīa usq̄ ad mortē. Superfluat mensura criminū in sinistra, claudicat ī sciētia, nutat statera tua, & dextera tua lance suspēsa totū pōdus diuergit in sinistra. Cum hæc uideris dic ad animā tuam, anima ubi es? quid

g. iiii.

actura es: inter hæc quare non clamitas: malum uides imminere & taces: cur non uigilas: mortē cernis incumbere & tu non aspicias, ubi resides pigra: ubi iaces resupinata: dextera tua dormitat, & non illam excitas, pateris ut te uincat sinistra, & portionem tuam iungas cum perituris: Quid factura es superata à carne cum coeperis cū ipsa experire supplicia: sinistra satagit, & debet dormire dextera, ibi plena est mensura, & hic debet existere uacua: sinistra ualet in uitijs, cur non magis dextera in uirtutibus uiget: cur non magis minuitur ibi peccatū, & hic additur meritum: quare nō liquefcit nequitia, & augetur iustitia: Iudicium dei uides imminere & stupes: thronus tremendi iudicis in flammeis ardet rotis, ut Daniel ait, & non trepidas: fluuius currit flāmineus qui globos flammaram uoluit, & tu soluta iaces: an nescis quòd fluuius iste peccatoribus permeat, & nō in pœnitentibus murmurat: non audisti quid adnuntiat Esaias: Ecce dies domini insanabilis uenit, dies iræ & indignationis, pone orbem terræ desertum & peccatores perdere ex eo. Plange tua scelera, corrige te confestim, & trāffer te de sinistra ad dextrā. Nō est ambiguū, apertè sonuit, quia deus peccatores exterminat. Peccatores dixi, tu si pœnitentiā egeris, iam nō te perdit sed protegit. Si cōpūctus fueris à peccatis, iā nō te damnat. Minaci quidē uoce, & terribili tuba testificat. Pro-

DE ELEEMOSYNA

pheta dicens, Ecce dies dñi insanabilis uenit ponere orbē terræ desertū, & peccatores pdere ex eo. Verū nō ideo deus minat ut pdat, sed testificatur ut corrigat, increpat ut cōponat, obiurgat ut eripiat, īsurgit nō perimētis metu, sed miserātis affectu. Cæterū si pcutiat orbē & pdat pctōres, ubi pplus īteger quē sibi acq̃siuit sanguine suo, & passione redemit. Sed dicis, ostēde mihi quæso q̃ tenore possum exonerare sinistrā, & cumulare dextrā. Hoc q̃d īnterrogas nō est incognitū. Nunqd latet aspectū tuū aut ars est quā nescis? Vbi uideris q̃a dominaat tibi lex peccati, imperāt uitia, crebrescūt crimina, omnis sarcina decliat ī latus sinistrū. Noli cedere aut q̃esce re, sed icita temetipsum. Recurre ad arma cōtraria & præcinge te ī dextra tua, implēs illud q̃d cecinīt Dauid psalmista, Accingere, inqt, gladio tuo quem uicit sinistra, quē supauit segnitia, quē strauit nequitia. Accingere gladio tuo circa femur potētissime. Qualē gladiū? specie tua & pulchritudine tua. Tibi hoc dicit, qui criminibus cedis, ad te loqtur q̃ criminibus uiceris, te cōmonet & cōpūgit pctōr. Vicit te pars sinistra, pcipiet te ī factū tuū, plora cōpūctus ut possis recipe speciē cordis tui, & pulchritudinē corporis. Quid uult eē? errasti ī lūbis, offēdisti ī femore. manifestū ē, q̃a ubi lūbus ibi libido, & ubi femur ibi fornicatio. Quid ergo fœdasti femur tuū carnali libidiē? reforma illud pulchritudinē spiritali. Stupraſti lūbos tuos ī fornicatiōe, noli diffidere, sed extrue

bellum contra sinistram, & contra corporeū peccatum, contra stuprum uel adulteriū. Femur te foeda uit, femur te reformat atque recuperet. Accingere inquit, gladio circa femur potentissime. Te corripit sermo propheticus quia peccasti. Fuiſti profuſus in libidine, eſto potētiſſimus in uirtute. Laxaſti membra tua in luxuria, reſtringe uiuacitate armorum. Arma lumbos cordis tui, orna femur animæ tuæ, ut corporei femoris eximas foeditatem, euellasq; de uisceribus tuis plagas. Accingere gladio tuo circa femur tuū potētiſſime. Quis eſt iſte gladius, ipſe dicit, Specie tua & pulchritudine. Et quæ eſt iſta ſpecies quā uirtus animi, & in ea plena pœnitudo: quæue eſt pulchritudo quā lacrymæ oculorū, & largitas eleemoſynę. Et quid deinde, Intende, inquit, proſpere procede & regna. Aperta ſentētia eſt. Intende peccator quia peccaſti, proſpere, quia pœnituiſti, procede & regna, quia triumphaſti. Procede cōfidenter quia ploraſti pro peccato, uiciſti reatū ut perueneres ad regnū, procede & regna. Plange hic ut plaudas alibi: procede, inquit, & regna. Propter quid, propter ueritatē & manſuetudinem & iuſtitiā. Quando ſiniſtra infert & ingerit tibi candentes ſtimulos auaritiæ, luxuriæ, arrogantia; uel libidinis, ſta contra ſiniſtrā tuā ſuccinctus ueritate, armatus manſuetudine, ornatus iuſtitia, & cum uiceris ſiniſtram, tunc educet te mirabiliter dexter tua.

Tunc

DE ELEMOSYNA.

Tunc uincit dextra, & silet sinistra, fugit impietas, & floret rediuiua pietas. Cadunt crimina, & crescunt merita. Quicquid malum minuitur in sinistra, meritum augetur in dextra. Sic te agente, deducet te mirabiliter dextera tua. Iuxta uerbum Dauidicum Subdue pondus ex aduerso latere, remoue plagas de sinistra, ut in die iudicii deducat te mirabiliter dextera tua: Imple mensuram iustitiæ. Quomodo? orando, uigilando, lacrymando, erogando, ieiunando: quinetiam parsimoniis pulsando, negligendo delicias, & nutriendo disciplinam, fugiendo festiuas dapes, & frugalitatē ferendo, deponendo pinguedinem, & diligendo pallorem, quando statutam exerceas uirtutē, exultat dextera tua, & latet sinistra. Deficiente enim nequitiae sarcina in sinistra, sanctificatio dexterae tuae præponderat, & ipsa te deducet mirabiliter in salutem. Vnde frater charissime non te tædium superet, non subducatur ignauia, non inter spem & metum alternis motibus æstuantem desperatio frigida perfundat, sed magis concalescat cor tuum dum dubitas, ferueat spiritus tuus in te cum anceps inter utrūq; laboras, id est ut inter spem & metum, ex meditatione tua exardescat ignis. Erige te in calore cordis tui, & in zelo pectoris concitatus, abutere dextera tua, & emulare sinistram, dicēs ei, quid mihi & tibi est sinistra? desine, cessa, con-

quiesce, noli mihi suadere ut errē, noli me subdere,
 ut offendam. Cur implicatū tenes, & non permittis
 exolui? noli me saporibus tuis capere, qui breui
 tēpore dulces & postmodū semper amari: tales sūt
 saporēs tui, qualia dormiētū somnīa. Surrexerūt ē
 somno & obliti sūt q̄ uiderūt, sic tuus sapor, sic tua
 delectatio, in delictis parum inuiguit fauces, & post
 modū urit animā delectatio tua. O sinistra dolores
 facis prolixos, nisi fueris repressa, dulce tuū fit ama-
 rū, fauus tuus in sel cōuertitur. Aut nō audisti sen-
 tētiā Salomonis q̄ dixit uias quæ à dextris sunt
 nouit dñs, puerq̄ autē sūt quæ à sinistris? Nescis tu
 quia angusta uia est quæ ducit ad uitā? Cur me frā-
 gis & flectis ad latā? Cur me ducis ad spatiosā uia
 quæ mihi aperit fauces inferni in quibus picea flā-
 mā ardet, & pccnalis caligo exæstuat? sinistra pars
 tua planctū ingeminat, puissio tua tartareas habet
 tenebras. Cellariū tuū corruptas habet species, the-
 sauri tui liquidis ardoribus pleni sunt. Aspis est in
 ope tuo, antiquissimus ille serpens hydra multorūq̄
 spirat uenēnū, ut spargit pestem auctor seclerū, ne-
 quitia armiger. Sinistra in parte tua scandala, qui-
 bus dictum est, Discedite a me maledicti in ignem
 æternum quem præparauit pater meus diabolo &
 angelis eius: Ignis ardebit ī parte tua diabole, aspis
 antiquæ auctor nequitia, tibi p̄patuse est ignis & an-

DE ELEEMOSYNA.

gelis tuis. quid hoc ad hoīes p̄tinet? sinistra tua nihil ualet. Nihil ualet pars sinistra, corrigunt se homines à peccatis & uiuunt. Desinunt delinquere, & carēt doloribus, renuntiat tibi, & regnant cum CHRISTO, & remālisti solus cū angelis tuis. Diabole quid regis sinistra partē? ad te corrogo, uerbū tibi imputo, te castigo: quid gloriaris de parte sinistra? flāma illa gehēnæ tibi, nō hoīb. flagrat, camini tartarei tibi sunt præparati & angelis tuis. Quare? quia aduersarius dei es. semp̄ erras, & nūquam emendas, semp̄ impius & seductor, semp̄ prodigus & p̄phanus, atrox in malis & inimicus in bonis: et quia nunq̄ te p̄cēnit, ideo periturus. Quid hoc ad hominē p̄cēnitentē, suaq̄ peccata cōfitentē? plus est p̄cēnitētia q̄ tua pestilētia. Plus sunt lacrymæ hominū q̄ tui insidiosissimi laquei. Amplius est eleemosyna q̄ tua inq̄namēta, sollicitudo soluit peccata, uigilātia uincit nequitia, cōpūctio eradicat crimina. Inimicē diabole fallax quid fingis terrorē? parū est q̄d uercor donec cōuertar ad CHRISTVM qui me saluauit. Video p̄ctā mea, & paucā cōsydero cōmissa mea, & horresco donec cōuertar ad dñm. Stāt ante me facinorā mea q̄si turris ferrea, ac murus æreus donec memetipsum uideā, & donec sitiēs aplectar CHRISTVM idulgētiæ fōrē, teneāq̄ pedes eius q̄ dixit, Nolo mortē p̄ctōris q̄tū cōuertat se à uia sua mala

uiuat. Si hoc fecero murus æreus momento collabitur, turris ferrea fulminata dispergitur, Arius enim poenitentiae subuestit peccata, & subruit crimina. Cadent ante fletum poenitentis quasi caduca folia à uento concussa, aut quasi plumæ uolitantes uento impulsæ. Adest dominus oranti, præsto est excubanti, erogantiq; **CHRISTVS** protector, excelsum, munificus atque liberalis indultor, & tota illa peccatorum sarcina quā uerebaris, ut cera liquecit, ut fumus fugatur, ut uapor exinanitur, aut quasi lanugo combusta deperit. Postquam sic castigaueris sinistras partes, & cum hisdem partibus ipsum diabolum prostraueris, conuerte te ad dextram, & loquere illi, multiplicans ad eam exhortatoria uerba, sic dicēs, Dextra mea deo sacrata, saluatrix animæ meæ, firmatrix cordis, munimen corporis, tu noli dormire sed uigila. Opus tuum dulce est, actio tua melliflua est, uigilantia tua uiuificat, Expande te ad preces pariter cum sinistra, erige te ad superna subsidia. Commoue uenas tuas, & conquire remedia, confunde inimicum, & contere peccati ministerium. Quomodo eum confundis, aut quo itinere coteris, nisi in opere dei, in obseruatione euangelica, in ordinatione disciplinæ, in ordinatione largitatis? Dextra fac opus iustitiæ: Respice famelicos, uesti nudos uisita ægrotos, suscipe peregrinos, solue cōpeditos

foue

DE ELEEMOSYNA

foue captiuos, cōsolare cōpūctos: si sic feceris, eruisti me de mœrore, liberaisti de muscipula. O dextra nō uides, sequit sinistra, & supplicia cōgerit, sinistra te uicit & dormis, serpēs te mordet, & duras: nō uides ptes aduersas turbatas, & insurgētes turbines: uenti spirant aduersi, mare insurgit super te, peccati pelagus urget animam tuam, stridēt in membristuis iniquitatum procellæ, & nō excitaris sed negligis: non stimularis, sed torpes. Dextra gubernatrix sta in puppe, & dirige proram, extende uela, arma nauem. Ecce pericula imminēt, ecce scopuli ante te, ecce horrendi cautes, naufragia in latebris instāt & & non uigilas: esto peruigil, esto amator honorum operum, esto bellatrix pœnitentiæ, te enim triumphante uiuo ego in uirtute dei, & euado noxias partes. Extende ad iustitiam, imple pugillum tuū cœlesti semine: iacta semen pœnitentiæ, & collige fructus indulgentiæ. Noli dormire dextra, sed fac opera quæ à te CHRISTVS expectat. Emenda errorem meum, dele dolorem meum, collige meritum quod dispersi, repara quod amisi, sed integra quod minorauī. Fornax flammat criminum, & tu siccis operis tui fontē: peccata præualēt, & tu subtrahis pietatis præsidia. Da rorem tuū & refrigera in me quod æstuat in calore. Timeo nanque ne dormientem sinistra superet, & rapiat me. Diripiē-

h.iii.

do ad funera sic te excitantem dextram, & obiurgantem sinistram suscipit CHRISTVS & amplectitur. Dirumpit vincula tua & deducit tanquam lumen iusticiam tuam, & iudicium tuum meridiano splendore illustrat. Vt dextra eius uisitatus gratiaq; donatus, & munere accumulatus, non tristis abscedas inutilis, sed gaudeas cum iustis ad dextram uenientibus in æterna requie permansuris.

§ EXCVSVS EST PARI-

SIIS APVD MICHAËLEM VA-

SCOSANVM VIA ADDIVVM

IACOBVM SVB FONTIS

INTER SIGNIO.

1522, Mens. Decēb.

